



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 8. S. Sophronius Stephanum Romam mittit.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

§. VIII.

Sæculum VII
A. C. 635.

*S. Sophronius Stephanum Romam
mittit.*

Imo majore quam antea zelo S. Sophronius Monothelitis se opposuit, atque sexcentis Patrum testimoniis in duo volumina collectis eos convincere, & ad sanam Doctrinam reducere conatus est. At illi fervore pio irritati, eo magis in Sanctum Virum calumnias spargebant. Igitur cum Hæresin in dies incrementa sumere cerneret, quemquam suorum Romam mittendum esse credidit. Tum vocatum ad se Stephanum Episcopum Drensem ex Suffraganeis suis primum, & in montem Calvariae deductum, ita affatus est: *Memineris, te aliquando illi, qui in hoc loco Sancto crucifixus est, venturo judicare vivos & mortuos, rationem redditurum esse, si jam Fidem periclitantem deseras. Fac ergo, quod ipse ob incursiones Saracenorum facere non possum. Ex ista extrema orbis parte strenue te confer ad Sedem Apostolicam, ubi sanæ Doctrinæ fundamenta sunt. (*) Viros Sanctos, qui ibi degunt, certiores redde de his omnibus, quæ hic aguntur, & rogare non desine, donec hanc novam*

*Suppl.
Steph. to. 6.
Conc. p. 104.*

B 5 Doctri-

(*) Testimonium adversus Protestantes consideratis omnibus circumstantiis invincibile!

Sæculum VII *Doctrinam judicaverint, & Canonice dam-*
A. C. 636. *naverint.* Stephanus vehementissima
 S. Patriarchæ oratione commotus, cum
 præterea plerique Episcopi, populique
 in Oriente Catholici precibus suis insta-
 rent, illico profectionem exorsus est.
 Hoc comperto, Monothelitæ iter facien-
 tem impedire extremo conatu moliti
 sunt, missis in diversa loca mandatis, ut
 prehenderetur, & catenis vinctus retra-
 heretur; ille nihilominus structas infi-
 dias evasit, & Romam, forte Honorio Pa-
 pa jam defuncto, pervenit.

§. IX.

Omar Jerosolymam occupat.

Prior ex hac vita migravit S. Sophro-
 nius, haud diu postquam Jerosolyma
 a Musulmannis capta fuisset, quod anno
 636. contigit. Annis omnino duobus
 obsidione pressa tandem initis conditio-
 nibus Omaro Califæ præsentis deditio-
 nem fecit. Ille Sanctam Civitatem in-
 travit indutus vili cilicio ex pilis came-
 lorum contexto, ut quasi Devotionem
 profiteretur; cumque petiisset sibi osten-
 di, locum, in quo Templum Salomonis
 stetit, suis manibus sordes, quibus re-
 platus erat, asportare cœpit, statuitque,
 ibi pro suæ Sectæ hominibus Oratorium
 extruere. Tunc S. Sophronius Danielis
 Vaticinium, *Abominationem Desolatio-*
nis

Theoph. an.
 26. p. 281.

Elmac. lib. I.
 c. 3. p. 28.